



## *Mandatno-imunitetska komisija*

Broj: 04-GV-04-1627-2.1/24

Datum, 13.12.2024. godine

Mandatno-imunitetska komisija Gradskog vijeća Grada Sarajeva, na 31. sjednici održanoj 13.12.2024. godine, u funkciji pripreme 48. sjednice Gradskog vijeća Grada Sarajeva, razmatrala je:

### 2. Utvrđivanje Obavještenja o prestanku mandata (Škaljić Adiju)

i podnosi Gradskom vijeću Grada Sarajeva sljedeći:

## *IZVJEŠTAJ*

### *Obavještenje o prestanku mandata (Adi Škaljić)*

Poslije uvodnog izlaganja i rasprave, na prijedlog predsjedavajućeg, Mandatno-imunitetska komisija jednoglasno je usvojila sljedeći **zaključak**:

Mandatno-imunitetska komisija utvrđuje Obavještenje o prestanku mandata Gradskog vijećnika Adija Škaljića (koje je u prilogu ovog akta) i upućuje Gradskom vijeću kao informativni materijal.

*PREDSJEDAVAJUĆI KOMISIJE*

*Željko Majstorović s.r.*





*Mandatno - imunitetska komisija*

Broj: 01-GV-02-1627-2/24

Datum: 13.12.2024. godine

Na osnovu člana 48. stav 1. tačka a) Poslovnika Gradskog vijeća Grada Sarajeva ("Službene novine Kantona Sarajevo", br. 28/09, 11/20 i 19/20), Mandatno-imunitetska komisija Gradskog vijeća, na sjednici održanoj dana 13.12.2024. godine, razmotrila je Odluku Centralne izborne komisije Bosne i Hercegovine, broj: 06-1-07-1-2786/24 od 20.11.2024. godine, te pripremila i upućuje Gradskom vijeću Grada Sarajeva sljedeće

*OBAVJEŠTENJE*

Dana 11.12.2024. godine, pod brojem 01-GV-04-1608/24, zaprimljena je na protokol Gradskog vijeća Grada Sarajeva Odluka o prestanku mandata i dodjeli mandata sljedećem kvalificiranom kandidatu, broj: 06-1-07-1-2786/24 od 20.11.2024. godine, koju je Centralna izborna komisija Bosne i Hercegovine donijela na svojoj 111. sjednici održanoj dana 20.11.2024. godine, s ovjerom pravosnažnosti od 07.12.2024. godine.

U **dispozitivu** dostavljene Odluke, između ostalog, stoji:

„(1) **Škaljić Adiju**, vijećniku u Gradskom vijeću Grada Sarajeva, izabranom na Posrednim izborima 2020. godine, iz Općinskog vijeća Novi Grad, sa kandidatske liste POG NAŠA STRANKA utvrđuje se prestanak mandata sa danom podnošenja ostavke, 12.11.2024. godine.“

U **obrazloženju** dostavljene Odluke, između ostalog, stoji:

„Gradsko vijeće Grada Sarajeva dostavilo je Centralnoj izbornoj komisiji Bosne i Hercegovine, dana 18.11.2024. godine, obrazac za utvrđivanje prestanka mandata izabranom članu tijela vlasti, propisno ispunjen od strane vijećnika Škaljić Adija, te potpisan i od strane predsjedavajućeg Gradskog vijeća Grada Sarajeva, a kojim je Škaljić Adi, dana 12.11.2024. godine, podnio zahtjev za utvrđivanje prestanka mandata vijećnika u Gradskom vijeću Grada Sarajeva, iz privatnih razloga kako je u obrascu navedeno.“


„Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.“

Odluka je postala pravosnažna 07.12.2024. godine.

*PREDSJEDAVAJUĆI KOMISIJE*

*Željko Majstorović s.r.*





Broj: 06-1-07-1-2786/24  
Sarajevo, 20.11.2024. godine  
F.S.

Na osnovu člana 2.9 stav (1) tačka 16, a u vezi člana 1.10 stav (1) tačka 4. i stav (2) i člana 13.10 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 11. i 15. Uputstva o dodjeli i prestanku mandata ("Službeni glasnik BiH", broj 31/24), te člana 30. stav (1) Statuta Grada Sarajeva („Službene novine Kantona Sarajevo“, broj: 7/23), u pravnoj stvari prestanka mandata Škaljić Adija, vijećnika u Gradskom vijeću Grada Sarajeva, Centralna izborna komisija Bosne i Hercegovine je na 111. sjednici, održanoj dana 20.11.2024. godine, donijela

## ODLUKU

### o prestanku mandata i dodjeli mandata sljedećem kvalificiranom kandidatu

- (1) Škaljić Adiju, vijećniku u Gradskom vijeću Grada Sarajeva, izabranom na Posrednim izborima 2020. godine, iz Općinskog vijeća Novi Grad Sarajevo, sa kandidatske liste POG NAŠA STRANKA, utvrđuje se prestanak mandata sa danom podnošenja ostavke, 12.11.2024. godine.
- (2) Upraznjeni mandat iz člana (1) dispozitiva ove Odluke dodjeljuje se Čosić Vernesu, sljedećem kandidatu sa kandidatske liste POG NAŠA STRANKA, iz Općinskog vijeća Novi Grad Sarajevo.
- (3) Čosić Vernes dužan je postupiti u skladu s članom 1.3a stav (3) Izbornog zakona BiH i u roku od sedam dana od dana prijema Izjave o prihvatanju/odbijanju mandata istu čitko popuniti i dostaviti Centralnoj izbornoj komisiji BiH.
- (4) Ukoliko Izjava iz člana (3) dispozitiva ove Odluke ne bude dostavljena u navedenom roku, smatrat će se da je kandidat odustao od mandata, te će se mandat dodijeliti narednom kvalificiranom kandidatu sa liste.

## Obrazloženje

Gradsko vijeće Grada Sarajeva dostavilo je Centralnoj izbornoj komisiji Bosne i Hercegovine, dana 18.11.2024. godine, obrazac za utvrđivanje prestanka mandata izabranom članu tijela vlasti, propisno ispunjen od strane vijećnika Škaljić Adija, te potpisan i od strane predsjedavajućeg Gradskog vijeća Grada Sarajeva, a kojim je Škaljić Adi, dana 12.11.2024. godine, podnio zahtjev za utvrđivanje prestanka mandata vijećnika u Gradskom vijeću Grada Sarajeva, a iz privatnih razloga, kako je u obrascu navedeno.

U telefonskom kontaktu sa Škaljić Adijem, dana 18.11.2024. godine, potvrđena je vjerodostojnost i svojevoljnost podnesenog zahtjeva za utvrđivanje prestanka mandata u Gradskom vijeću Grada Sarajeva, u skladu sa članom 2.9 stav (1) tačka 14. Izbornog zakona Bosne i Hercegovine.

Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

S tim u vezi, a na osnovu člana 13.10 stav (2) Izbornog zakona Bosne i Hercegovine i člana 25 stav (1) Statuta Grada Sarajeva, mandat vijećnika u Gradskom vijeću Grada Sarajeva dodjeljuje se Ćosić Vernesu, sljedećem kandidatu sa kandidatske liste POG NAŠA STRANKA, za Gradsko vijeće Grada Sarajeva, iz Općinskog vijeća Novi Grad Sarajevo.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 1. i stav (2) i člana 13.10 stav (2) Izbornog zakona Bosne i Hercegovine, člana 11. i člana 15. Uputstva o dodjeli i prestanku mandata i člana 25. stav (1) Statuta Grada Sarajeva, odlučila kao u dispozitivu ove Odluke.

**Pravna pouka:** Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.



Dostavljeno:

- Škaljić Adi,
- Ćosić Vernes,
- ② Gradsko vijeće Grada Sarajeva, nakon pravomoćnosti,
- a/a.